



Broj:04-11-1996/20

Datum: 26.08.2020.godine

Na osnovu člana 64. stav (1) tačka b) najniža cijena, člana 70. st. 1., 3. i 6. Zakona o javnim nabavkama („Sl. glasnik BiH“, broj 39/14), na Preporuku Komisije za javnu nabavku broj: 04-11-1996/20 od 26.08.2020. godine, u postupku javne nabavke - Nabavka medicinske opreme za potrebe Opće bolnice u Sanskom Mostu: Lot 4.-Nabavka Profesionalnog inhalatora, Općinski načelnik donosi:

ODLUKU **o izboru najpovoljnijeg ponuđača**

Član 1.

Prihvata se Preporuka Komisije za javne nabavke, broj: 04-11-1996/20 od 26.08.2020. godine i ugovor za javnu nabavku: **-Nabavka medicinske opreme za potrebe Opće bolnice u Sanskom Mostu: Lot 4.-Nabavka Profesionalnog inhalatora**, ponuda broj: 300299 od 17.07.2020. godine, dodjeljuje se ponuđaču "Bawariamed" d.o.o. Banja Luka za ponuđenu cijenu od 453,00 KM bez PDV-a (cijena sa PDV-om iznosi 530,00 KM) kao najbolje ocijenjenom ponuđaču.

Član 2.

Prijedlog ugovora o nabavci dostavit će se na potpis izabranom ponuđaču "Bawariamed" d.o.o. Banja Luka po proteku roka od 15 dana, računajući od dana kada su svi ponuđači obaviješteni o izboru najpovoljnije ponude.

Član 3.

Za izvršenje ove odluke zadužuje se i ovlašćuje Služba za finansije, trezor i zajedničke poslove.

Član 4.

Ova odluka objavit će se na web-stranici www.sanskimost.gov.ba, istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

Obrazloženje

Postupak javne nabavke pokrenut je Rješenjem o pokretanju postupka javne nabavke broj: 04-11-1996/20 od 22.06.2020. godine.

Javna nabavka je provedena putem konkurentskog zahtjeva za dostavljanje ponuda.

Procijenjena vrijednost javne nabavke za Lot 4. bez PDV-a je 453,00 KM.

Obavijest o nabavci broj: 305-7-1-21-3-14/20 poslana je na objavu dana 06.07.2020. godine, a

objavljena je na Portalu javnih nabavki dana 06.07.2020. godine.

Zahtjev za dostavu ponuda je prosljeđen, istovremeno sa slanjem obavijesti na Portal javnih nabavki, na tri adrese.

Komisija za javnu nabavku, imenovana je Rješenjem broj:04-11-1996/20 od 06.07.2020. godine., dostavila je dana 26.08.2020. godine Zapisnik o ocjeni ponuda i Preporuku o izboru najpovoljnijeg ponuđača broj: 04-11-1996/20 od 26.08.2020. godine, u postupku javne nabavke: Nabavka medicinske opreme za potrebe Opće bolnice u Sanskom Mostu:Lot 4.-Nabavka Profesionalnog inhalatora.

U postupku po izvješću o radu je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 2(dvije).
- da su blagovremeno zaprimljene 2 (dvije) ponude.
- da je ponuda ponuđača "Bawariamed" d.o.o. Banja Luka prihvatljiva.

Naziv / ime ponuđača	Ponuđena cijena (bez PDV-a)
1 "Bawariamed" d.o.o. Banja Luka	453,00

Ponuda "Krajina Group" d.o.o. Banja Luka nije prihvatljiva iz razloga što ponuđeni profesionalni inhalator neodgovara specifikaciji medicinske opreme . Prema Specifikaciji medicinske opreme za Opću bolnicu Sanski Most, redni broj 4. Ugovorni organ je tražio da Profesionalni inhalator bude opremljen sa pritiskom od 1,5 bar-a, a ponuđač je ponudio profesionalni inhalator sa pritiskom od 1,06 bar-a.

E-aukcija nije zakazana niti održana iz razloga što je samo jedna ponuda bila prihvatljiva.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije.

U postupku ocjene provedenog postupka, Općinski načelnik nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom. Uvidom u priloženu dokumentaciju, nesporno je da je izabrani ponuđač najbolje ocijenjen zbog:

Najniže cijene, kako slijedi:

Naziv / ime ponuđača	Ponuđena cijena (bez PDV-a)
1 "Bawariamed" d.o.o. Banja Luka	453,00

Izabrani ponuđač "Bawariamed" d.o.o. Banja Luka , ponuda broj:300299 od 17.07.2020. godine, je izabran primjenjujući kriterij najniže cijene, koja je ponuđena u iznosu od 453,00 KM bez PDV-a /ukupna cijena sa PDV-om iznosi 530,00 KM /.

Iz navedenih razloga, primjenom člana 64. stava (1) tačka b), najniža cijena, Zakona o javnim nabavkama, odlučeno je kao u dispozitivu.

Pouka o pravnom lijeku:

Protiv ove odluke može se izjaviti žalba Uredu za razmatranje žalbi BiH, Filijala Mostar, putem Ugovornog organa, najkasnije u roku od 5 (pet) dana od dana prijema ove odluke.



ОПĆИНСКИ НАЧЕЛНИК

[Signature]
Paris Hasanbegović, prof.

Dostaviti:

1. "Bawariamed" d.o.o. Banja Luka
Jovana Bijelića br. 19A, Banja Luka
2. "Krajina Group" d.o.o. Banja Luka
Novakovići b.b., Banja Luka
3. Dosije
4. a/a